

37

TABVLA RECITATIONVM

IN
ACADEMIA LVDOVICIANA
PER SEMESTRE HIBERNVM

A DIE XVIII. OCTOBR.

CIDIOCLXXVIII.

INCHOANDARVM.

RECTOR
ACADEMIAE LVDOVICIANAE
D. CHRISTIANVS HENRICVS
SCHMID
CVM SENATV.

In Oda vltima Libri tertii non fastus, vt Scaligero visum est, sed magni spiritus plena Horatianum carmina sua monumento perenni comparasse, quod neque imber edax, neque Aquilo *impotens* diruere queat, neminem Vestrum, *Commiliones uestimantissimi*, latet. Quam vero ob causam ventus a poeta *impotens* dictus sit, vario modo interpretes explicare conati sunt. Scholiastae veteri *impotens*, idem est ac valde potens; quia scilicet particula *in* in compositione non minuendi tantum, sed etiam augendi vim habeat, veluti in vocabulo *infringere*. Atque de vi illa augendi, quam particulam *in* nonnunquam habere contendunt, multum in vtramque partem disputari posset. Latinos *infractos* in versu primo Libri XII. Aeneidos Virgilianae non valde fractos, sed nunquam antea fractos, atque *in* non vim intensiuam in voce *infringere* habere, sed otiosam vacare, V. C. Heyne doctissime annotauit. Loca Lucretii atque Iustini, in quibus vocabulum *inualidus* pro valde validus positum esse vulgo contendunt, male explicata esse, Gessnerus in Thesauro Latinae Linguae docuit. Restat igitur solum exemplum vocis *impotens*, quod hac data occasione remouere studebimus. *Impotens* secundum eam, de qua nunc nobis sermo est, significationem, idem nobis esse videtur, ac *impos*, quod Festus ita explicauit: *Impos* est, qui animi sui potens non est; ideoque *in* manifeste hic vim negatiuam habet. Quare crudeles atque facui tyranni *impotentes* appellari solent, non quia nimia potentia gaudent; sed quia potentia ad superbiam abutuntur, quia propter fastum animum in potestate non habent. Non vero de superbia tantum, sed etiam de quauis animi perturbatione, quae neminem securum sui possessorem, vt cum Seneca loquamur, esse sinit, usurpari vox *impotens* solet. Qui nimia spe effertur, Horatio ipsi (I. 37.) *impotens* est; *impotentes* sunt, qui vehementer amant, aut ira ad rabiem inflammanur. Sic Iuno (Carm. II. 1.) ira furens, cum ab vlciscendo impediretur, *impotens* vocatur. Ab hominibus vocabulum illud ad res transfertur, atque dominatio, *impotentes* dicuntur, quia homines impotentes reddunt. Elegantissime igitur Aquiloni *impotentia* tribuitur, metaphora

phora ab hominē iracundo translata, quia Borcas vi effraenata faciens sese continere nequit. Nemini non hic in mentem veniet *tyrannus* Hesperiae vndae Capricornus in Oda XVII. Libri secundi; atque astri aestuosa *impotentia* Epod. XVI. v. 61. Venustatem ergo imaginis in Oda nostra non viderunt, qui Aquilonem *impotentem* tempestuosum, vehementem, der *stürmende* Nord (versio Onoldina p. 203.) der *streuge* Nord (Breitenbauch p. 172.) esse putarunt; propius ad veritatem accedunt, qui voces illas per Aquilon furieux (Barreux p. 107. Tazéron I. p. 217. der *ungezaehmte* Nord (Lange p. 247.) der *rohende* Nordwind, der alles über einen Haufen wirft (Groschuff p. 156.) des Nord's *Wut* (Inc. Frid. Schmid p. 220.) der *erboßte* Nordwind (Weidner p. 185.) die Gewalt *wütsender* Norde (Dreyffig Oden aus dem Horaz 1779. p. 23.) reddidere. -- Quae quidem praemisisse sufficiat cohortationibus, ad alendum porro litterarum amorem, non tam necessariis propter Vestrum, *Commilitones aestumatissimi*, discendi feruorem, quam propter officii rationem, quo nullam occasionem praetermittere adigimur, Vos de salute Vestra monendi. Amor Vestri in artes liberaliores propensus spem nostram firmat, fore, vt ad lectiones in tabula sequenti promissas frequentes confluat.

LECTIONES THEOLOGICAE.

D. IO. HERMANN BENNER. Acad. Senior. *Historiam eccles.* e compendio Schroeckhiano, *Theologiam casual.* b. Pfaffii vel b. Baumgartenii prouectioribus tradet. Petentibus *notitiam salutis* vel *theol. moralem*, suis e compendiis exponet, horis XI - XII., IV - V. vel aliis commodioribus.

D. IOHANNES GEORGIUS BECHTOLD. HEVMANNIANAS *theol. dogmaticae* institutiones hora VIII. Ven. LESSII *theol. moralem* hora VIII. praeleget. Hora XI. in *libros ecclesiae nostrae symbolicos* commentabitur. Hora II. aut Ven. ERNESTI *interpretationem* N. T. aut, si auditoribus ita visum fuerit, Ven. MILLERI *institutiones polemicas* suis dissertationibus illustrabit. Suam praeterea operam iis offert, qui suas, sive publice sive privatim disputando, in disciplinis sanctioribus experiri vires voluerint.

D. LVDOVICVS BENIAMIN OUVRIER. Hora VIII - IX. Praecepta theologiae moralis tradet ad ductum Lessii. IX - X. docebit theol. dogmat. duce Danouio. XI - XII. theol. polemicam ad I. P. Milleri Compendium. Duabus per hebdomadem horis exercitationes instituet homileticas, vsurus compendio suo.

LECTIONES IURIDICAE.

D. IO. CHRISTOPH. KOCH *Pandectas* hor. IX - X. & XI - XII., *ius canonicum & ecclesiasticum Protestantium* hor. X - XI., *ius criminale* hor. II - III. sex per hebdomadem diebus docebit, vsurus compendiis J. H. & G. L. BOEHMERORVM & suis Institutionibus iur. crim. Ad collegium *examinatorium & disputatorium* quoque paratus est.

D. CHRISTIANVS HARTMANNVS SAMVEL GATZERT hor. VIII - IX. *Ius publicum S. R. I. G.* hor. IX - IX. *Ius feudale*; hor. III - IV. *Ius Germanicum priuatum*; hor. IV - V. *theoriam Processus & Rem diplomaticam* alternis vicibus, tradet.

D. LVDOVICVS IVLIVS FRIDERICVS HOEPFNER Semestri instanti hora VIII - IX. institutiones duce *Heineccio*, hora X - XI. *ius naturae & gentium* ex suo libello, qui mox in publicum prodibit, hora I - II. antiquitates iuris pariter e libro suo elementari docebit; ad *historiam iuris literariam* praeunte *Westphalo* enarrandam etiam paratus.

D. HELVICVS BERNHARDVS IAVP praeunte PÜTTERO hora I - II. diebus Martis & Veneris *ius priuatum Principum*, hora II - III. *ius publicum S. R. I.* hora III - IV. *processum imperii*, hora IV - V. *historiam imperii* tradet, ad *encyclopaediam iuris* quoque aliasque praelectiones paratus.

LECTIONES MEDICAE.

D. IO. WILH. BÄVMER, Med. Prof. primar. hor. X. dierum *D. 7. 7. & 8* is medicinam forensem; ad sua praecepta typis prostantia, tradet. Eadem hora dierum *7*ii atque *H*ni collegium pathologico - therapeuticum captui vulgari accommodatum publice aperiet. Hor. X. b. m. Dn. Io. Zach. Platneri artem medendi singulis morbis applicatam, nota Dnis Commilitonibus dexteritate, iterum auspicabitur.

D. CHRISTOPH. LVDOV. NEBEL. Artem obstetricalem ex Steinii compendio hora III-IV.; Chirurgiam in Platneri institutiones hora XI-XII. exordietur. Materiam medicam Spielmanno duce, atque historiam medicinae literariam, horis commodis auditoribus offert.

D. IO. LVD. FRID. DIETZ. Prof. Med. P. O. Elapso semestri aestiuo ad finem perductas praelectiones in Physiologiam & Anatomem theoreticam denuo offert, & quidem Physiologiam praecunte Hallero h. IX - X. docebit, atque praeparatis anatomicis illustrabit. Anatomem vero theoreticam h. X - XI. duce Plenckio proponet. Cadaverum dissectionibus atque demonstrationibus in Theatro anatomico instituendis, horas consuetas dicabit. Physiologicum Collegium priuatissimum continuabit.

D. CAROLVS GVIELMVS CHRISTIANVS MVLLER, *Prof. Med. Ord.* Per instans semestre docebit h. VIII-IX. Pharmaciam, Rezio praecunte, sub perpetua formularum Dispensatoriorum vſitatorum comparatione h. IX - X. Mineralogiam duce Cronstedtio h. IV - V. vel alia commodiori. Materiam medicam, secundum epitomen immortalis Linnei h. V-VI. Physices elementa tradent & experimentis illustrabit. Neque iis deerit, qui disputando & examinando in variis medicinae partibus exerceri cupiunt.

LECTIONES PHILOSOPHICAE.

ANDREAS BOEHM. Log. Met. & Math. P. P. O. Bibl. acad. praef. *Logicam* h. VII. *metaphysicam* h. VIII. ad ductum compendiorum a se editorum, h. II. *mathesin applicatam* h. III. *puram* praecunte WOLFIO im Auszug aus den Anfangsgründen docebit, bibliothecas consueto tempore aperiet.

IO. CHRISTOPH. FRIED. SCHVLZ, LL. Or. Gr. & Ant. P. P. O. Hor. X - XI. utramque ad Corinthios epist. ex recensione Griesbachiana hor. XI - XII. Psalmorum libros V. ex propria textus recensione interpretabitur --- scholas suas anglicanas desiderantibus aperiet.

D. CHRIST. HENR. SCHMID, *Poeseos & Eloqu. P. P. Publice* Hora III - IV. diebus Lunae, Martis, Iouis, & Veneris *Suetonii* vitas Caesarum illustrabit. *Priuatim* Hor. IV - V. Rhetorices initia duce *Ernesti* tradet; Hora V - VI. *Encyclopaedium* omnium scientiarum, praecunte *Sulzero*, enucleabit, ad alia, praesertim *Mythologiam* atque *Poeticam*, docenda paratissimus.

HENR. MART. GODOFR. KOESTER, Histor. P. P. O. Historiam statuum Europae ad Comp. proprium hora VIII-IX. Historiam Ecclesiasticam N. T. ad Comp. Schroeckhianum hor. X - XI. Historiam Vniuersalem ad Comp. proprium hor. XI - XII. docebit. Offert Praelectiones in Historiam Imperii Germanici, Historiam Imperii Procerum, Historiam Literariam, Statisticam, & Heraldicam Horis Auditoribus commodis.

LECTIONES OECONOMICAE.

IO. AVGVSTVS SCHLETTWEIN Semestri hiberno explicabit hor. antemer. IX - X. *Technologiam* duce *Beckmanno*; hor. X - XI. *Ius naturae & gentium* secundum *Achenwallium*; hor. XI - XII. *Oeconomiam politicam* seu elementa politicae & disciplinarum camera-

